

四庫全書

集部

欽定四庫全書

滎陽外史集卷八十二

明鄭真撰

闕

榮陽外史集卷八十二

欽定四庫全書

滎陽外史集卷八十三

明鄭真撰

闕

滎陽外史集卷八十三

欽定四庫全書

滎陽外史集卷八十四

明鄭真撰

闕

滎陽外史集卷八十四

欽定四庫全書

滎陽外史集卷八十五

明鄭真撰

闕


滎陽外史集卷八十五

欽定四庫全書

榮陽外史集卷八十六

明鄭真撰

闕



滎陽外史集卷八十六

欽定四庫全書

集部

滎陽外史集卷八十七至九

詳校官編修臣程槐

中書臣劉源溥覆勘

總校官降調編修臣倉聖脉

校對官典簿臣郭祚熾

騰錄監生臣徐葆

欽定四庫全書

榮陽外史集卷八十七

明 鄭真 撰

五言長律

劉侗事詩二十韻

中夏文明地由來說定

闕

門

闕

世美間氣挺

闕

瑩冰雪節義

闕

爛

闕

望韜清華

闕

閭闔近步

闕

府仗賢勞

闕

強鎮謀仍

闕

擢兼承

闕

沃膏林

闕

還舊觀

闕

夢遶蒲

題闕

令族揮門

闕

薦參庭步

闕

願睽淚流紛

闕

荼毒甚於

闕

羞粉黛解佩斥珠犀月鴈

明孤影風鷓鴣獨

闕

雨思淒淒織杼秋

窓暗篝燈夜榻低昨筵蘋在茗

闕

姑老仍多

病兒孤不住啼有天當閔卹匪母孰提攜蒸曝香供劑
烹調肉進齏畎菑終待獲經訓幸祛速往事隨流水餘

齡絕攝提萱花春院北榆景暮亭西節孝登青史光華
待紫泥行看雙表植巨扁煥新題

和李廷鉉皇城長律一首

西上周基壯南陽漢制新台街通禁密甲第起嶙峋

闕

將貂蟬偉舊臣旅葵來遠貢鳴鹿宴嘉賓露洗

金莖

闕

燭春夢求符版築獵卜應垂綸經濟歸

文武都俞

闕

司教席寧復妮沈淪

詠雪用沈文舉教道二十

闕

大雪海天遙千門犬吠驕刻葩涵

闕

甲園封翠失條粧貌驚突兀掘馬

闕

絳綃寧從東郭履敢受

闕

森萬象嘉應叶重霄山

闕

訝白雲朝島嶼寧攢壁

闕

火熱紅方熾醪

香綠漫

闕

壓昏花

日屢搖表門聲浙滙漢節

闕

鶴飄藍闌愁杳杳剡水興迢迢飯

闕

園妾妓梁苑肅賓僚甲第紆鸞輅

闕

客可能邀喜製陽春曲慙聽下里謠廣

文

闕

附錄文舉詠雪詩

春候轉無聊寒芒氣愈驕乍來驚急霰忽下就

闕

沾萼縱橫柳綴條羞明朝未積入夜暖疑銷

旅邸凌

闕

窓映葦綃清吟差可儼堅卧不煩招

歛土平於掌頽垣

闕

雕百盤來一羽萬甲墮層霄

已向冬前應何煩歲首饒

闕

俄頃刻不住已崇朝

盡報豐年玉爭誇厥貢瑤築臺憐妬舞無屋貯輕嬌

詩向冥搜得盃從磊砢澆也愁厨束桂長恐坐分瓢

老眼生眵眈中心覺旆搖試聽還簌簌暫靜復蕭蕭

人迹行將斷茶烟溼更飄白漫天近咫碧蓋嶺迷迢

有客惟黃卷于時尚黑貂匿瑕方比德喬木久同寮

詎我惟能

闕

可擬韶陽春新漸布泥路莫為邀

那得文刀利

闕

哄堂期一笑傳詠到芻蕘

連雪不止客況無聊讀李商隱

闕

寄陳虛中沈文舉

造化心純白春候弗僭

闕

潤粧梅曉正妍串珠

闕

著綿元正方紀月大有

闕

招素月跨鶴望飛仙好

闕

里憶燕然

又

灑灑紛隨霰輕輕不動塵把鋤誇得玉投火

闕

客忠憐謫官人騎驢橋遠灞策馬嶺登秦兔魄

闕

妬春窓虛迷化蝶池凍蟄修鱗老覺干

峰改光融萬境

闕

虛幌久搔首畫樓頻歌咏音同

調經書事有因誰修滕六傳

闕

學踵成均

聞莊舍弟自莊浪除廣西桂林府修仁縣主簿作

長律四十韻以寄

薄官憐吾弟人來說調除有懷終契闊長望獨躊躕宗
伯公清選朝家叶衆譽宛駒誇腰裏魯寶識璫璵棲鳳
名仍忝攀龍步匪紆信傳滄水使恩捧紫泥書蹀躞關
西馬驅馳陝右車身辭沙塞遠目送海天虛駐驛頻抄
飯充厨只問蔬蠻烟晴拂曙瘴雨暮填淤水閘山成斗
溪橋市趁墟金沙橫蟬螭窟映蟾蜍曉色催行李清
風送佩琚山翁招竹所野老迂蓬廬客路殷憂際公庭
上任初簿書明法律耕稼撫田閭問俗來者碩分曹察

吏胥嘉生函化育和氣藹吹噓桂嶺秋聲外靈川晚照
餘林深蟠宿蟒樹杪聚羣狙慷慨羈心集登臨野興據
詩應誇子美賦或擬相如謾說生猺聚由來百貨儲翠
毛籠孔雀白壁間車渠香蠟紛成困椒糖重載輿獸皮
堪作褥織貝可為裾味覺貪泉爽親承化日舒珍奇空
土苴經訓乃蓄畬崖茗團成餅溪毛足當蔬日須崇簡
儉時過惜居諸勉力忠勤報毋容禮法疎鶚書催入覲
鳳闕擬聽臚久絆頻嗟我斯文獨起予每欣樽有酒不

羨食多魚舊業墮堂構非材愧木樗飯牛歌浩浩化蝶
夢蘧蘧老覺歸無計愁憐病莫祛故園花自發先隴草
誰鋤恬漠丹衷守飄蕭白髮梳曩倫今古重百歲保同
居

和黃仲瑱先生郊祀慶成長律二十韻時先生徵
入除翰林檢討

禮樂郊丘祀衣冠海岳同合祛嚴饗報陟配備尊隆渙
號揚星幄羣工仰法宮鎮圭華藻藉重璧間黃琮角繭

牲牢赤膏明火炬紅羽林森鐵輦騎路駕蒼龍端冕存
清穆承袍駕敬恭玄穹三殿闢闕 九門通允鑠清光

近於昭儉質崇爐薰團靄翠金奏曳冷風角宿忙催旦
曦輪赫馭空追陪商皓列觀感舜瞳重福祿綿邦祚精
神肅聖躬乾心垂眷顧解澤沛沖融仙佩空濛上靈游
化育中漢祠增立時堯典記禋宗履運逢開泰祈年儼
奏豐馨香符至治熙績告成功昨拜鸞刀賜恩加鳳詔
封御前誰獻頌藻繪近華蟲

雪詩

洪武十九年丙寅正月一日廣信府經歷李相
公招飲二更時還急雪漫空自是三日雪不為
止閉門不出清思無聊賦長律四十韻錄上郡
府相公及教諭廣文訓導諸先生自媿蕪拙不
足陳長者之前憐其意而畧其詞可也

江海元正夜乾坤四望迷
燕娛傳跋燭歸步怯扶藜
妙造歸天巧神功挾氣機
六翼勞翦刻萬象豁端倪
奔迸

星流急娉婷羽舞低飄飄蟲撲紙颯颯蟹循堤掠面真
疑絮沾衣錯認梨串珠紛度隙急響密通閨高塔撐孤
笋長橋偃素蛻曲阿圍作陣深隄不成蹊戰罷龍飛甲
朝迴馬印蹄門深頻吠犬巷狹強堆狍似筋冰懸瓦如
紳瀑下溪月鸞隨渺渺霜鵠共淒淒錦鯉深宜蟄玄猿
禁莫啼餘蝗應入地倦鳥不成棲路滑愁穿屐煙消怪
溼娃獵圍勞鎮將樵擔訝山妻花褪梅留片茅抽麥遍
畦豐年云已兆寶牒若為乜焦寢清酣熟表門矮屋悽

王猷歸剡水李愬捷淮西寵幸皇輿出悲涼使節攜謫
憐韓刺史樂問党家姬郢曲宮商叶吳謳律呂齊敢因
梁苑賦欲擬杜陵題寶甕羔為酒珍庖鹿進鸞醉鄉窮
緬邈仙界許攀躋爐冷頻然炭衾孤急索綈三山窮海
島百尺上雲梯鶴擎身如畫魚籃手自提阻程空望遠
閑糴厭聞飢骨透清初爽神融老未鰲化銀須秘術斲
玉恨深泥陽德羣瞻日文明拱候奎賜錢覃府庫挾續
慰軍黎占奏聞丹陛思流浹近畿周詩歌霖霖萬畝及

耕犁

往年予客濠梁中都國學助教嘉禾貝公廷臣詠
雪五言二十韻先後屬和者應奉姑蘇金先生德
俊前參政天台方文敏詞格律調俱稱予時為之
閣筆後此數年予來廣信鄉友胡仲厚作雪景見
寄佩服雅意裝潢成軸追次貝公韻筆諸其上以
誌不忘時大雨雪萬山皜素如在畫中洪武二十
一年龍集戊辰冬十二月十五日也

大化歸神造天葩巧更織重欺雲母石白勝水晶鹽東
郭催歸履西窓喚上簾地融銷玉馬硯凍閣銅蟾酒熟
螺杯泛爐存獸炭炎書聲輕可喜米價重仍嫌富有金
貂擁貧無短褐添朔天持節重淮海將兵嚴駟駕寧留
轍郵程失報籤瑤臺紛共倚銀界聳羣瞻曲鴉花成陣
孤峯笋露尖瀑泉停遠澗冰筋落空簷獵獸林叢伏窺
魚沼沚潛浮游宜訪戴圖寫欲呼閩齒噤身猶縮皮皴
手莫拈宣尼書特筆太史叶官占暗聽窓蟲撲輕誇席

絮沾松杉擎糝糝牟麥露斬斬野燒僵眠獨橋行逸興
兼懷人那得去千里奈恹恹

挽故參政彭城郡公二十韻

氣稟天台秀丰神委羽仙養頤全靜素止息味重玄書
飽三千牘身尊九十年瀛洲誇故老廊廟數名賢茅土
恩封重圭璋寵賜專清時華族望威德紹儒先空闊波
澄海虛明月在天藜燈分瑞采鴻寶發真詮火熱燒丹
竈雲深種玉田文聲金擲地詩律錦盈箋畫鷁頻飛檝

青驄穩著鞭衣冠傾洛社花石勝平泉初度流光速長
生寶籙延老萊新舞綵衛武秩賓筵杳杳青空烏飄飄
白日旃委形隨去鶴真骨蛻輕蟬飾禮崇周翼歸藏卜
楚筭諸公嗟絕筆太史購遺編彷彿儀容接悲涼涕泗
浹大招吾豈敢行見表雙阡

郭氏挽詩

女壺儀容正儒家問望隆相攸諧匹配主饋恪親躬淵
漠精思密沖和內行充誓言昭皎日警戒穆清風奉上

歡娛備承祧享薦豐庖羹和滫瀡樽醴泛冲融御從恩
私洽姻聯語笑同佩蘭香纂纂采藻詠泐泐織杼絲緇
疊紉針組製工竹練敦樸素帷幔革鮮紅浮俗艱難際
平居淡薄中遐齡期闕天喪罹賢膺哀

傷切令衷孫謀貽嗣續孩長賴旰幪家訓論先系師傳
督懋功精金成躍冶美石就磨礪荏苒流年度荒涼往
事空神遊驂紫鳳悲些託玄鴻畫像光輝覩靈車影響
通金花崇隧典矯首大明宮

滎陽外史集卷八十七

欽定四庫全書

滎陽外史集卷八十八

明 鄭真 撰

六言

題畫

綵雲影動丹崖皓月光寒珠樹待君載我扁舟萬里瀛
洲歸去

題山水畫

疊嶂密雲深樹前
溪流長橋天外鳥
飛斜日蹇驢歸
興道遙

重重石逕雲林灑灑竹
窓松屋隱君試問何如
高詠考槃在谷

便面

縹緲雲山薄暮微
茫野水清秋為問讀書
千卷何如把釣扁舟

題東坡墨竹

湘水遙憐帝子彭城恍遇坡翁看畫不求形似筆端自有清風

颯颯涼聲欲暮蕭蕭勁氣先秋笑問黃茅岡上誰知太
守風流

蕃邦進象二首

名應周詩五輅耳聞舜韶八音共向瑤階率舞九重喜
動天心

廣鼻深通兩竅長牙白聳雙尖沐浴天家雨露貢來南

海蕃暹

山水畫

遠嶂白雲天半斷
橋流水村孤高樹
門前成列人來試
問吾廬

題畫

六月炎州如火祇
思林下清風千里
湘江帝子夜來遺
佩玲瓏

題卓民吉畫扇面
貽葉太守

天外雲霞欲曙
山中樓閣先秋
借問寒驢雙去
何如舸
艚同遊

題畫

萬仞蒼崖壁立
雙溪碧水環流
過眼浮塵滾滾
山中好
度春秋

滎陽外史集卷八十八

欽定四庫全書

滎陽外史集卷八十九

明 鄭真 撰

七言絕句

詠薛濤箋

粉白朱紅點點描蠻箋
認得女娼妖已山蜀水花如海
杜宇春風恨未消

題庾嶺圖

夾道涼生澗壑秋
曲江祠下思悠悠
倚欄人在空中語
南去東南可自休

兩崖天倚畫圖開
萬里風高猿嘯哀
聞道萬年崔相國
白頭也復賜歸來

題蘇武握節圖

齧雪餐羶使節孤
老來不肯困窮途
如何娶婦為姬妾
教得生兒也姓蘇

草凍沙乾又乳羝
天寒大窖雪成圍
節毛落盡空頭白

忍死邊廷未得歸

題蔡琰歸漢圖

玉顏沒入左賢王萬里天高恨雪霜名父不應兒失節
九泉羞殺蔡中郎

嗚咽胡笳曲未終秋風馬上路匆匆夢回暗憶恩情重
羶帳寒深雪滿空

鑾車處處看春花又過陳留董祀家不是戎王荒塞夜
夜深何事咽悲笳

歷歷風沙貌得真兩維牽挽意逡巡不知野店黃昏後
誰畫當年斷臂人

題秋江舉網圖

西風波浪刮魚腥何處幽人獨下罾百歲想甘清節守
桐江不必問嚴陵

題季璋梅花

三年為客海東涯萬里羅浮一夢賒霜月夜寒天地合
開門曾憶看梅花

答任彥愛送香橙

皇都傳說上元春
羅帕包封賜近臣
海角未沾天寵洽
却憐霜顆特分珍

紅盤擎到碧窓紗
三寸黃柑擘永嘉
親老正思甜舌本
蠟封誰為寄吾家

題漁樵問答圖

百年生計近如何
霜雪蕭蕭鬢未皤
我志在山君在水
負薪何似得魚多

山中應許暫逍遙
滾滾塵埃遠市朝
見說朝廷正招隱
吾儂未必老漁樵

謝丁相公惠牡丹

青春正綻洛陽花
千里東風一夢賒
多謝公侯珍重意
甌瓶分到碧窓紗

幾年作客向蓬萊
一捻胭脂笑口開
想見故園春滿眼
淡粧濃抹待歸來

題畫竹

軒居曾種碧琅玕滿目秋聲白畫寒舊日林泉今總廢
畫圖空向醉中看

長江落雁圖

聯翩羽翼映秋波蘆荻飄蕭已厭多長笛一聲歸棹晚
江天目斷奈渠何

題鮫川贈別圖

鮫門海濶蜃樓低仙子乘空一鶴飛想見故園春正好
歸來喬梓映清輝

彭澤歸來尚有田鶯花三月醉瓊筵故人矯首滄江上
萬里東風浪拍天

題馬圖

天廐驂騮汗血身沙堤滾滾不驚塵春深誰奉明廷對
許賜當頭第一人

寄汴韓豫齋

往歲曾看艮嶽圖還誇形勝帝王都風流有客今三載
千里相望夜月孤

秋風悄悄動荒埃籬下黃花菊又開試問城頭雙過雁
中原何日定歸來

臘月夜讀袁文清公集口占二絕

萬年傾瀉似懸河傳出入間不厭多奎閣春明天語笑
詞臣喜得似東坡

夜月分明在樹杪西川故老許神交文章可是傳衣鉢
風雪寒窓記手抄

題瘦馬圖

萬里沙場踏雪還
凌然病骨箭痕斑
內官有意勤芻牧
置在春風十二閑

題孔雀圖

石根蒼竹淨暉暉
暖翠翻花遍羽衣
見說上林春似海
乘風好與鳳凰飛

送蔣仲原官府谷

長城萬里控延安
飲馬泉腥夜月寒
山縣休衙人事少
舊時經畧許誰看

雲屯萬竈玉驄嘶斜日青山聽鼓聲落木秋高邊地遠
却憐枳棘鳳鸞棲

送王以寧官神木

同鄉相遇說瀛洲海澗天高白鴈秋老我不禁霜雪苦
俸餘應為買貂裘

霜風吹曉過潼關萬疊青青塞上山淮海有人西望遠
故園時許附書還

得家書憶兒復昇

小兒遺毒痛難勝苦道爹爹喚不應我實憐渠那得去
淮山深夜對孤燈

題水仙

湘江仙子佩珊珊羅襪凌波翠袖寒目斷楚雲歸未得
歲闌冰雪兩相看

題菜園

綠畦雨過潤如酥甕有新釐市有醅三月已應忘肉味
先生近欲傳冰壺

七月望宿府學口占一絕呈梁先生伯益是夜月
既蝕濠梁衛隨班行禮

庭階數問夜如何誰繼盧全月蝕歌尚喜吾儕風致別
當筵呼酒問嫦娥

題瀛洲夜宴圖

天風雜遝送鳴珂樽俎紛紜樂事多明日有人陳奏疏
當筵數問夜如何

題錢舜舉山水卷

海國青山舊隱居望鄉千里客心孤
西風落照頻看畫
彷彿樓船過太湖

山外有山深復深蒼松紅葉暮雲陰
繁華滾滾塵迷眼
不負林泉百歲心

題韓允傳所藏錢舜舉山居圖

煙雨春深擁翠螺山人獨賦考槃阿
柴門有客頻相問
泉石生涯奈汝何

翩翩鞍馬過橋西荒庵人家竹樹低
見說草堂春似海

杜陵不數浣花溪

竹窓松閣翠重重
點染應歸造化功
水鏡涵空秋一色
置身如在廣寒宮

飄然湖海逐浮漚
風雨淮山兩度秋
野色微茫舟似葉
令人歸興眇瀛洲

白雲相望海天遙
桂樹山中不受招
故國百年遺老畫
畫圖披玩似瓊瑤

按圖繪寶鑑舜舉號玉潭
宋景定間鄉貢進士畫青

綠山水師趙千里意度氣韻妙入神品鄉友韓允傳
志尚幽雅購得是圖深寶玩之予客居鳳陽附致求
題賦詩五首允傳讀之其有以契予意否耶

題秋江送別圖

憶上西江貢士船故人把酒意茫然今年却送南歸客
紅樹秋山悵遠天

煙雨秋深紫翠濃仙人樓閣暮重重故園松菊西風外
笑指天台第一峯

秋江獨釣圖

輕舟搖漾釣絲風野水如天一鏡空
威世明廷正招隱
渭川當復夢非熊

桐江東望水滔滔千古風流夢寐勞
漢室中興功莫比
雲臺未似釣臺高

白月黃昏聽唱歌沙頭人間得魚多
紛紛世事塵迷眼
煙水生涯可奈何

家近瀛洲海上灘漁燈共語夜闌珊
三年遠作淮山客

祇欲歸來把釣竿

題春江送別圖

畫船江水漾晴空
疊疊雲山錦繡中
冠佩入朝宮闕近
鶯花三月正春風

寄題宣和重樓合喜圖

烏雀春喧喜事重
天香國色倚東風
宮車北望灤陽去
錦繡繁華一夢中

艮嶽當年御輦遊
花神有意結重樓
誰知天上春風樂

翻作青城一段愁

題敬義齋卷

肅襟清坐自惺惺
玩易焚香倚石屏
一片靈臺明似鏡
天光雲影對空青

青青編簡炷春暉
表裏工夫世所希
妙悟不煩頻出戶
滿街塵土污人衣

別來久不見山陰
想像高秋玉雪襟
大手文章勞撰述
百年復見聖賢心

金華吳宗昭氏以敬義扁其齋山陰王先生好問為之著記江湖士大夫復為箴銘詩歌以勸厲之予讀之數過若羣玉之府琅玕璆琳層見疊出而砒砒瓦礫何足廁其間哉賦詩三首絕句以歸之用誌予媿云

二月望日潘太守勸農賦絕句用韻

拍拍清樽綠蟻酣
珍分列鼎飲肥甘
太平共此春風樂
笑指天香滿翠籃

題歐陽率更九成宮碑贈南昌萬玉麟先生來淮
海以詩名有子名孟雅知臨淮縣以實封論事陞
知泗州云

洪都仙客佩玲玲淮海歸來雙眼青笑指囊中無長物
逢人許看醴泉銘

送永嘉支師中分教入京

千里長淮共驛船碧空如水水如天即今又送還京去
五色龍光近御前

盛時多士出成均
芸屋青燈教席分
自有文章成錦繡
殿頭釋褐奉明君

洪闕

賈闕

許索芭蕉作四絕
以致意賈府通

判尊翁洪府同知尊翁也

故園曾憶種芭蕉
長日薰風一扇搖
愛向淮南分別種
夜深涼雨聽瀟瀟

江南欲寄一棧書
想像清秋午夢餘
千里客鄉風雨候
清清還看綺窓虛

天漿滴滴似凝脂
曾看芳葩啟瓣時
璇宇星稀天欲曙
一杯儼送玉琳璃

淺淺晴泥手欲栽
懸知生意是生荄
青旗半捲丹心吐
有待山翁跨鹿來

題畫梅

來看南枝與北枝
溪頭立雪思離離
逢人若問調羹事
須待青青著子時

寒夜二絕句簡徒縣丞

竹屋寒燒楮拙烟先生高卧腹便便淮南為問江南客
何似山中夜雪天

淮海風高鴈鶩呼客窓夜半撥寒爐小兒試向燈前問
曾有先朝鵲炭無

宋思陵駐蹕臨安郡國貢炭非鵲鴿色者不以進外臣
以為言思陵曰宮中用炭但取和煖安用鵲鴿色者
耶立命罷之可謂儉德之君矣

題畫送陳驛丞

錦綺雲霞盼九重故人來到且從容
大材正要為梁棟
笑指橋南百尺松

奎星高照海天涯萬里車書正
一家黼座雲開丹陛近
春風顧插御筵花

題梅花

風流不見瓊妃面欲寄多情語
未工山鶴一聲天欲曉
寒香浮動月明中

題陳仲良所藏姚闕馬圖

獻凱歸來汗血流將軍萬里已封侯
長安新置飛龍殿
奈汝西風首藉秋

用韻答夏威原絕句十首

九重天子正興文
多士趨朝日見親
謾說黃公華胄在
商山重認採芝人

堂前衣舞錦成文
捧檄由來祇為親
督府齋壇森將鉞
幕中掌記數斯人

錦繡曾誇紙上文
西風淮海見情親
京華咫尺雲霄近

矯首金門獻賦人

淮山掌教媿斯文
夜榻曾論肺腑親
湖海不知臺閣事
昇平草頌豈無人

濠上波生五色文
紛紛魚鳥獨相親
却憐流俗相嗤黠
空作鄉闈第一人

天高河漢燭奎文
燈火山窓夜獨親
謾道翰林華蓋逼
手裁春帖是何人

筆端揮灑不成文
誰道詩看子建親
裘馬五陵誇俊少

祇甘空谷老吾人

欲寄多情愧不文
好將忠孝答君親
錦衣若幸歸來早
便作笙歌席上人

百篇寫得舊時文
風月何由語笑親
為道老來長作客
蒼顏愁對鏡中人

千金駿馬五花文
可是南陽帝里親
聖代恩涵溟海闊
獨憐燭武不如人

八月二十七日早鐘夢後在新城聞王府召命說

書以為夢已醒作詩有夢裏猶聞殿下宣之句既
覺知亦在夢中所謂夢中說夢者殆此也耶枕上
足成絕句五首擬寄府僚紀善季純夫

華髮相將五十年飄飄劍佩向淮天
床頭一卷春秋學
夢裏猶聞殿下宣

夢裏猶聞殿下宣
春明曾到禁廷前
錦床繡褥親王座
聽說遺經二百年

夢裏猶聞殿下宣
內庭曾記秩初筵
香稞軟飯傳恩賜

飽德謳歌既醉篇

夢裏猶聞殿下宣
曉雲咫尺晉陽天
山河表裏藩維壯
樂只邦家憶萬年

夢裏猶聞殿下宣
莊生蝴蝶正翩翩
詞臣識得君王意
有作應須進一篇

題萱花圖贈胡伯霖

翠筵金萼正重重
堂下佳兒舞袖紅
鶴髮雙親同一笑
秋須長日倚熏風

又

淮南千里見萱花一寸芳心未有涯
見說北堂人不老歸來須作畫圖誇

題桃花圖

路入天台第幾重
桃花流水暖溶溶
洞中如見佳人面
好吐平生錦繡胸

一點妖紅早著花
春風處處看雲霞
就中欲問千年實
笑指瑤池阿母家

題山水圖

淮山落木正蕭蕭
夢裏瀛洲碧海遙
止願歸來茅屋底
夜涼明月聽吹簫

十一月二十九日夜寫懷三首

為周秀高作

離離星斗滿璇霄
席上頻聞犬吠驕
謾道酒盃須一醉
胸中磊砢不能澆

志驕氣滿可憐人
鄉里癡兒未足嗔
鐘鼓歸來成一笑
老梅簷角正含春

悠悠歲月去如梭
富貴人生奈汝何
過眼已應天奪魄
樽前且賦考槃阿

送史奏差濟川歸永嘉

風雨滄江白鴈飛
淮南遊子賦將歸
椿庭笑奉金杯壽
香擘黃柑霧溼衣

帥垣使節咏皇華
千里家山望永嘉
見說北堂成宅兆
夕陽枝上有慈鴉

十一月初九日早出南門

狐皮為帽裹頭顱造化春融病骨疎濠上獨行霜雪曉
旁人認得老髯蘇

題長淮送別圖贈吳興阮文肅

紫翠重重卷畫間東南勝槩似淮山水晶宮裏神仙宅
看取西風跨鶴還

向來大父宰鄞時滿眼春花錦繡帷歸取家藏瑤帙看
吾翁亦有贈行詩

題秋山圖送梁先生

雁門關外萬山重
天籟蕭蕭澗壑中
作客邊廷歸未得
白雲翹首海瀛東

庚辛歲閏齋春帖子

大道為公尊孔冕
斯文有喜祝堯天
山中要得平安信
客底寧誇富貴年

舊家文獻三千卷
盛代年華五十春
多士願登天上選
老生甘作海傷民

辛酉歲春帖子

五十年過猶作客二千里遠祇思家
春生書帶窓前草
香藹椒盤席上花

題便面

落木秋風萬壑哀
林扃不為俗塵開
明廷正欲招賢士
奏賦誰如宋玉才

題桃花贈鄭良琪

淮天錦繡正續紛
花下傳杯贈去人
千里若歸瀛海上
東風好寄故園春

題便面

我家住向蓬萊島卧看扶桑曉一輪千里客鄉歸未得
江花江草解憐人

題便面贈葉子中先生歸慈溪

重重喬木與雲參黃鳥啼春晝日酣歸取山中圖畫看
人生祇合住江南

山苑西風落木秋碧天萬里海東流分明認得蓬萊島
正儼歸來一葉舟

淮南望近八公山玉佩仙人縹緲間
叢桂好歌招隱賦
輕舟應未許空還

題梅花

歲寒為客楚天涯
遙憶西湖處士家
千里夢回霜月白
起看倒影在窓紗

又

玉皇殿上會羣仙
綽約豐肌映雪妍
晏罷歸尋蓬島路
紫鸞飛入海雲邊

春風消息問梅花
冰雪那禁老歲華
有約玉人終不到
憑誰覓得畫圖誇

又

姑射仙妃禮玉宸
孤芳占得御園春
君恩天上憐才俊
賜與螭頭第一人

花仙雪裏喜相過
占得青春有許多
見說商巖正招隱
調羹事業果如何

孤芳老幹雪崖重
六出春涵造化工
千里西湖魂夢杳

紫簫吹斷月明中

題沈生鏞所藏山水圖

蹇驢千里倦馳驅
咫尺青霄近帝都
何似山中垂白叟
釣舟一葉向江湖

題二喬觀書圖

粉袖春纖露笋芽
瑤編舒卷向窓紗
古來女寵存龜鑒
國色娉婷莫自誇

雲錦衣裳玉雪膚
君臣共喜得雙姝
不如諸葛巖巖婦

手挈練裳過草廬

予讀四明鄉先生許氏山心跋二喬圖有曰旌旗簞
雪師次江濱怒濤撼空巷無居人咄哉叟兩顛洛神
珠暗室藏不住竟入蛟龍爪吻化為行雲行雨命也
遭驚得喜瓊琚瑤珥色也三軍奪志烈士喪氣鄙哉
策與瑜沛公一田舍夫蕭何一刀筆胥提劍入關
僅收圖書百宮姝麗紛如潰魚眼高心麤視之若無
爾中豈乏此二女者乎不然胡為是漢胡為是吳命

詞奇古深得諷意結句尤為警策當時士大夫以為
絕唱而以布衣終身世無有知之者其命也夫予容

濠梁

闕

庸表

而出之使知山林文學之士有如先生而不得一遇
者可勝道哉可勝嘆哉

題林和靖觀梅扇

湖天空濶翠林深灑灑逋仙玉雪襟不是梅花知出處
憑誰同守歲寒心

題山水扇面

秋水 upstream 魚正肥
西風巖谷思依依
問渠金紫千鍾祿
何似山中及早歸

題陳仲良所藏高彥敬青山白雲圖

碧崖浮動白雲低
山雨晴時水落溪
日午醉眠人未起
勝如騎馬聽朝雞

題山水卷

靄靄雲烟澗壑深
雙松如蓋翠陰陰
山中近日知音少

石上誰彈綠綺琴

題桃花

一曲來聽點絳唇
暖風花下晏芳春
何由種得千年實
贈與東家百歲人

題墨菊

秋風窓下月昏時
夢逐西園蝶未知
帳底寒香人寂寂
誰將醉墨灑淋漓

紛紛桃李若為容
籬落秋深晚色重
山月暗時人不寐

墨香何似菊香濃

題紅菊

西風有夢過園籬
帳底佳人睡起遲
應是秋香空淡泊
曉粧亦得點胭脂

題王右軍書扇面

越山高步碧雲梯
洗墨池寒落照低
仙子已騎鸞鶴去
白團如月問誰題

題廣信王氏園菊本十種

勝金黃

幽花黃勝裹蹄金
喚醒人間富貴心
正色本來天造化
風霜不怕九秋陰

御愛黃

秋香送喜入天容
采采承恩雨露濃
願奉君王千萬壽
御袍黃映玉袍重

相袍紫

闕
西風籬落九秋高
檀心豈羨公侯貴

彭澤歸來獨慕陶

鶴頂紅

折得秋葩鶴頂紅
丹砂點染幻神功
苦心欲寄蓬萊客
願借胎仙兩翼風

賽瓊華

往事繁華逐水流
西風吹夢到揚州
花心不與青春競
冰雪蕭蕭過九秋

萬卷書

芳信誰傳萬卷書花神可是費工夫憑君寄與陶居士
香露漙漙瀉玉壺

狀元紅

西風花看狀元紅芳氣紛紛正惱公莫向人間誇折桂
當年也到廣寒宮

探花白

憶向瓊林去探花瑤臺玉宇認天家月明彷彿羣仙過
素袖娉婷幘岸紗

榜眼黃

榜眼誰誇進士科，却憐秋色惱人多。
雙瞳眊轉金錢富，無酒陶潛奈汝何。

金佛蓮

潮音洞裏現慈顏，萬朵金蓮雪浪間。
花色近人秋似海，恍然身到補陀山。

舊歲甲子秋，真自淮臨入覲。九月初七日早朝禮畢，與鳳陽教官吳烈等侍余尚書，入見西宮，上賜之坐。

與宴席近臣傳旨以菊綻西風為題應制云秋葩剪
刻見神工風送天香入九重有勅御園迎鳳輦上尊
玉醴拜恩濃既而續御製首句成章云西風蒞菊綻
肥黃縹緲天香入帝傍見說花神承寵顧畫欄深護
翠雲涼詩成進呈士大夫誇為盛事及來廣信聞王
氏園亭菊本之盛賦詩咏之謹錄其事如右以誌榮遇云

題雪霽圖

銀界參差百萬重太虛清氣壓鴻濛
舊來行處頻觀畫

如在冰崖雪壑中

唐十八學士登瀛洲圖

學海波環翠石重
長春花木炫丹紅
神仙祇在人間世
何羨滄溟恍惚中

禁漏無聲晝刻移
天家勅旨出廷墀
諸公且盡仙洲樂
未到分番上直時

題山水扇面

山翁喚我上饒來
坐對南屏疊疊開
一片白雲長作伴

分明認得是蓬萊

題陳生子翼畫扇面

懸崖晴瀑瀉銀河
雜遝松風送珮珂
世外紅塵飛不到
山童却報晚涼多

覓竹栽芭蕉簡祥符古芳禪師

石上來叅玉版師
殷勤覓得鳳凰枝
分明認得如來意
坐到林扃月上時

越客南來夢轉添
移床聽雨近虛簷
綠蕉分得祇園樹

曉露承來似蜜甜

送王紹泰計偕京師

西江貢士上春闈
天上星光近壁奎
從此名題龍虎榜
殿頭釋褐賜金泥

盛時多士蔚招徠
銀鑰聲寒棘屋開
丹杏瓊林春宴早
紅旗先報捷書來

碧溪水解水融融
滿眼晴山紫翠濃
客邸要聆新進士
鴻書好寄白雲重

題廣信李通判梅竹畫四軸

山中消息問如何
昨夜前村雪更多
莫道此君堅節操
玉妃還得共婆娑

冰雪天寒不自禁
晚風吹動翠陰陰
溪光一片清如鏡
照見佳人鐵石心

帝子湘江翠袖寒
雲深風雪佩珊珊
羅浮仙客頻相遇
牢落水姿不耐看

姑射神人雜佩瑤
月明深夜許相招
鶴聲喚起瑤臺夢

百尺琅玕雪未消

題紅梅

花仙曾到玉皇家有勅春香泛紫霞薄醉著顏紅有暈
日高含笑近窓紗

梅花

調羹商鼎媿非才孤負百花頭上開夜半西湖空有夢
月明誰見鶴飛來

題蘭

國香散落翠巉巖
畦畦芳叢玉露寒
楚佩可憐零落盡
春風吹夢過湘南

題紅梅

歲寒曾到玉皇家
淺淺瓊杯醉碧霞
睡起不知凡骨換
分明素質點丹砂

綽約山中萬玉妃
冰天有夢到瑤池
調羹誓許供珍御
却笑春風上玉肌

同通判李德高相雪中

灑灑春風玉樹枝何人吟得灞橋詩畫堂捲起珠簾看
三白人間正及時

瓊葩玉蕊點疎枝吟得劉叉五字詩謾道階前深似尺
程門獨立有楊時

冰簾高捲看瓊枝誰寄迴文錦上詩寢笑從容人未起
客中何似在家時

輕花灑灑鳳凰枝錦繡聯篇百韻詩羔酒千金歌吹樂
山城正屬太平時

折得梅花第一枝
雪兒唱得雪中詩
扁舟夜半人歸去
正是王猷訪戴時

縞袖娉婷舞柘枝
天花飛落錦箋詩
山川晃蕩真如畫
要覓當年李伯時

隔屋女郎歌竹枝
悽悽祇似少年詩
淺斟低唱微微醉
如在綃金帳裏時

阿蠻折得素瓊枝
舞向華筵索贈詩
散亂天花聲撲簌
向來憶在碧窓時

萬樹嵯峨重壓枝可憐凍吻不成詩天光大害爐無火
正是蘇卿握節時

擊碎珊瑚五色枝錦箋寫就謫仙詩公庭早起人初集
正似陶公布屑時

人有為石梁謠者錄成十四首

喬木重重惠子窩濠梁水帶九洪橋淮西自古誇形勝
表裏山河拱聖朝

縛竹編蘆窓戶開晴光曉透土牀來滿城要待秋花插

汲水遶籬澆菊栽

土塹為家似燕巢
秋來風雨怕蕭蕭
馬通拾得團成餅
晒向牆頭待暮燒

種得桃花與李花
紅紅白白幾人家
賣錢却待花成實
沽酒牆頭不用賒

帝鄉今得免征科
漢祖當年未足多
父老扶藜頻望幸
教兒唱得大風歌

土坑邊頭半餛飩
湯曉寒睡起怯衣裳
女郎燒火添牛糞

笑指灰中餅餌香

東屯西屯雲晝陰上關下關淮水深淮水好從天上去
美人不見愁人心

向來翻憶戰爭時江海茫茫遠別離白髮重逢太平日
春臺化日樂熙熙

義勇祠前酒似池鼓笳吹動赫人威滿身挿得真刀劍
要與皇家作健兒

婚娶家家禮俗諳東隣少婦嫁童男園籬縛架開筵宴

借得船頭一片帆

斤斧山中日日操
求生莫問此生勞
草柴賣得錢三百
不怕城頭米價高

養得兒男學務農
布衣襤褸髮蓬鬆
兔園亦有村夫子
夜雨殘燈教過冬

淮水生魚不論錢
弈壇醉倒喚碁仙
百年儘可為生業
仰戴皇家日月天

少婦新縫八塔鞋
可憐兩足帶塵埃
盆中有水不須濯

却待人間好日來

別來三月不見郎
夜燈明滅淚成行
妾身許得單衣願
不怕窮冬有雪霜



滎陽外史集卷八十九

欽定四庫全書

集部
滎陽外史集卷
九十一

詳校官編修臣程槐

中書臣劉源溥覆勘

總校官降調編修臣倉聖脉

校對官典簿臣郭祚熾

謄錄監生臣徐祿

欽定四庫全書

榮陽外史集卷九十

明 鄭真 撰

七言絕句

題吳教授所藏楊長史菜圖

雨露春深綠正肥
從教百甕搗金齏
夢中要與神明說
不許羊蹄踏破畦

長史相煩寫畫圖
青青生意遶吾廬
文章更愛黃山谷

食肉懸知味不如

題廬山瀑布圖

香爐峯上夢曾遊
晴瀑聲喧萬壑秋
要與謫仙長作伴
白雲深處獨相求

題柳公權立祕塔銘

柳公權八法得顏太師之傳
其在陝右若李西平王
神道碑之深古雅健
立祕塔銘之道勁嚴
密皆書法之傑然者
予居中都凡十年
西平王

碑僅一見求之莫致立祕塔銘則往往得之間
留一二本論著其後以為家藏今年夏四月諸
暨章立可以三泉司征考滿入覲用是為贈予
感其意題二絕句轉寄先生以書法世其家焉
用此哉聊為令嗣學古之助云爾

何處浮圖莽衲師斯文猶得覩殘碑想當放手書丹日
正似從容筆諫時

君家書法已三傳琬琰文章到處鐫聞說賢郎當跨竈

銀鈎愛學柳誠懸

永嘉林

闕

以竹四軸求題曰風晴雨嫩云

浮空颭颭飄蒼雪倚石翩翩舞翠濤林下喚醒湘水夢
鳳凰飛下九天高

曉風浮動隔簾青旭日晴梳翡翠翎想見雲中仙子降
佩聲雜遝散空冥

篔簹谷底記曾遊風雨空山夜半秋有約佳人終不到
天寒翠袖不勝愁

琅玕百尺舞雲幢
風月襟懷共一窓
昨夜春雷初震蟄
龍孫長得玉成雙

題唐明皇按樂圖

笙笛箏琶按得齊
玉人歌舞繡筵低
三郎酣醉真妃笑
誰信漁陽泣鼓鞀

內家教樂醉春妍
夢入巴山萬里天
檀板輕敲簫鼓合
金盆香煖浴兒錢

沈香亭北晝冥冥
一曲霓裳醉裏聽
樂事不知忘國恨

秋風愁絕雨淋鈴

題扇面

挿天峭壁兩門開
落木風高萬壑哀
酒熟山家煩折柬
寒驢正待過橋來

題觀音像

吾家東近補怛山大士
神通海浪間
舊日同鄉今作客
焚香日日對慈顏

題便面小景

一天如水水如天萬壑春含綠樹煙橋上抱琴人欲過
山窓且復罷青編

題竹

山中留得歲寒枝冰雪稜稜不受欺莫道此君無變化
春雷喚起籜龍兒

題五花馬圖

五花驄馬錦雲堆踣鐵蹄高識駿材倦眼奚官休睡去
天閑好與共歸來

淮南羣牧慣攻駒八尺真龍萬足餘聖代郊丘崇報享
祇須寶絡駕金車

跋麗水俞元吉所藏高彥敬臨米元章越山圖

按松江夏氏圖繪寶鑑云米元章山水本出重
源而天真發露後二百餘年高公彥敬實得其
筆意所臨越山圖凜乎逼真松雪趙氏與高公
同官於朝親書論定後有作者無敢異議俞君
元吉家於括倉正古勾踐封域浮雲白日展圖

玩諷殆如見諸君子於千巖萬壑間也原吉來
淮海出以相示書二小詩以歸之

南宮跨鶴九天遙雲暗房山悵莫招賴有吳興書跋在
畫圖珍重似瓊瑤

湘江東渡指西陵萬疊天開紫翠屏掉得扁舟歸舊隱
夜涼光動少微星

題扇面

斷坡高樹書陰陰行轉清溪路更深可是草堂人不見

西風蕭颯鶴孤吟

題紅梅

羅浮仙骨換丹砂
百摺飛裙染翠霞
酒暈未消寒起早
夜來賜宴玉皇家

題墨梅

先春遠寄墨淋漓
折得寒香第一枝
夢遶西湖山月暗
漆紗窗外影參差

題墨菊

客路游塵怕上衣紛紛黃白眼都迷歸來籬落黃昏後
月露秋香暗遶蹊

題瓶梅

百花頭上占春開誰向山中折得來碧水銅瓶甘作伴
夜深飛夢過瑤臺

題梅竹

斷崖人立錦皺粼翠袖娉婷不惹塵獨有玉姬來索笑
歲寒霜雪許為鄰

題梅

玉皇宮闕擁羣姬
縞素飄飄雜佩垂
侍輦恩深頻早起
不禁霜雪立多時

題畫

樓臺金碧五雲邊
秋水光涵一鏡天
山郭寒驢人去遠
夕陽應棹渡頭船

題梅

秋魁不得占春魁
慚負孤根雪裏開
問汝不堪調鼎鼎

歲寒只許賦歸來

題吳道延西征卷

萬里煙沙慘淡中西風遙跨錦花驄囊中自有如椽筆
歸上將軍第一功

重重土屋翠雲腰羌婦秋衣製黑貂煤火燒紅羊

關

題吳道征望雲圖

關西遙望海東山心與浮雲共往還白髮慈親千里遠

綠衣願得奉慈顏

題孤雁銜蘆

塞北傳書到日邊
真州將信到幽燕
我家求得平安報
怪汝銜蘆萬里天

紀夢

十二月初八日夜夢亡友劉養浩謂之曰久不見足下今安在耶朝廷命府州縣學舉明經之士為學官足下不得辭矣初不意其已死也養

浩以手握拳若欲見捶者且曰經學吾久已荒蕪
豈宜堪此薦書汝欲害我耶既覺為之惘然作

二絕以識云

帛壁求賢澗壑空蕭蕭猿鶴恨西風多君誦得春秋學
生死論交一夢中

老來應不耐尊拳夜壑悠悠不記年人事祇今如夢寐
憶君空有淚如泉

題春江遊玩圖

江上舟行不問潮，千金換酒特相邀。
鶯花正及青春樂，隔岸何人唱大招。

桃花渡口水如天，滄海蓬萊問列仙。
老我長淮歸未得，春風矯首白雲邊。

題春江送別圖

江水西流日夜聲，櫂郎搥鼓喚登程。
滕王閣上神仙客，一曲空歌待月明。

滿眼青山紫翠重，天風縹緲送孤篷。
憑君一吸西江水，

洗滌平生錦繡胸

渡頭人唱竹枝歌
千里江山奈遠何
春水光寒沙渚濶
忘機却愛白鷗多

風流馬上為誰來
一葉風帆早欲開
好向紫金山下過
五雲深處是三台

題趙仲穆馬上挾彈圖

王孫騎馬過林西
何事金鷺不住啼
高嶂重重雲不暗
春風吹送一丸泥

題山水圖

山樹重重散曉嵐披圖彷彿記江南畫船撐近簷前過
公子風流酒欲酣

題沈在新便面

紅葉飄蕭澗壑重遙青矗矗倚浮空山川自古誇形勝
不是吳中是越中

青山白雲圖

憶向山中看白雲畫圖披拂思氤氳仙家遠在空青外

一榻何時許見分

題扇面

白雲深處樹重重
碧水光涵一鏡空
世外紅塵飛不到
祇消揮扇聽松風

遙山祇在半空中
滄海蓬萊有路通
雙樹西風秋灑灑
仙遊一曲寄絲桐

題便面

淮南催我去朝天
矯首蓬萊近日邊
山樹重重秋已近

晚涼石上聽疎蟬

題五馬圖

五匹西來汗血駒
風沙千里快馳驅
青春幸預瑤池駕
不數人間八駿圖

題山水圖

君家高住碧雲層
木杪啼猿喚得鷹
作客淮南渾欲去
畫圖遙指是廬陵

金碧樓臺晚照紅
仙人環佩玉玲瓏
淮南催我朝天去

試問前山過幾重

題睢履道紅碧桃花贈李經歷

天台仙子佩珊瑚
淺碧深紅對面看
石洞無蹤春夢遠
東風曉起不勝寒

天涯一片武陵霞
滿眼春光處處花
莫道繁華渾似夢
周南正好詠宜家

題枯木鸚鵡圖

錦繡山林悵寂寥
西風落木晚蕭蕭
幽禽却解知人意

學得鸞笙叶鳳韶

題周千戶所藏戚子昭雪中讀書圖

銀界參差百萬重
春蟲亂撲夜窓風
誰知千古經綸意
祇在青青汗簡中

隔屋誰歌玉樹花
飄飄鸞鶴海天涯
書中自許論今古
金帳何消說党家

袁門深閉路崎嶇
焦寢清酣怪鐵衾
誰似先生冰壑底
一編獨對聖賢心

題菊花圖

御袍黃間狀元紅
翦刻原歸造化工
陶令歸來秋正好
可能無酒醉西風

隨班曾賦御前題
攜得秋香滿袖歸
自媿恩光無補報
西風籬落思依依

真向以考滿朝京與諸掾紳賦菊綻西風絕句以進
今二年矣

題廣信府李經歷仲謀所藏畫

海棠畫簷

瑤池信杳思氤氳
聒聒春聲怪汝頻
問道海棠初睡起
風流誰是畫簷人

梅花寒雀

誰傳春信到人間
澗谷神仙玉雪顏
凍雀預知生處樂
枝棲不似紇干山

抱琴圖

紫霞洞客已仙遊
故國湖山草樹秋
鸞鶴九霄音杳

欲將哀怨寄清流

折梅圖

冰雪天高獨鶴飛
山中處士薜蘿衣
歲寒清節憑誰共
折得梅花及早歸

把菊圖

解印歸來事已非
秋深霜菊錦成圍
秫田兩頃都為酒
林下何須候白衣

愛蓮圖

炎天水面獨搖風誰識先生梗槩同不是棹歌明月夜
襪羅清淺涇香紅

題周自誠所藏蘭圖

湘水蒼茫九畹深美人不見思沈吟幽香暗逐春風過
雅操誰彈石上琴

題魚籃觀音圖

籃裏魚肥錦吐腮沙頭不許價高擡世間誰識端嚴相
瓔絡何消露出來

本來祇是宰官身，肉眼何由認得真。
俗習可能安淡素，隨緣去作賣魚人。

題網魚圖

夜來山雨水，增波巖壑遙。
聞欵乃歌笑，指兩船撐欲近。
問渠何處得魚多。

題芥坡圖

雨歇山青雲出溪，芥苗初長淨無泥。
夜來插得新籬障，不夢羝羊踏破畦。

題山水圖

扁舟憶昔過嘉禾，傍海青山擁髻螺。
流水畫橋深屋底，不知誰賦考槃阿。

題扇面

煙雨初晴翠樹濃，梵王樓閣曉重重。
客行素飽經綸術，任汝齋堂飯後鐘。

題錢同知所藏張天師畫

老幹連蜷似螭龍，夜來風雨欲騰空。
玉堂學士今何在。

誰賦當年十八公

元馮海粟學士著十八公賦極精博

山水圖

滄海蓬萊手可招雪深環佩響瓊瑤
山翁倚杖溪頭立
野水春來急似潮

竹圖二軸

彭城一派

老可貧簞谷裏遊大蘇清夢遶黃樓
傳神今有真仙筆

分得彭城一半秋

橫牕

重重晴影覆窓紗
彷彿瀟湘水上家
帝子不來秋已暮
飄搖鳴佩渺天涯

貽李經歷誕彌之慶

仙真授得金橋籙
家慶榮誇綠樹枝
湯餅儘多珠履客
誕彌重見續周詩

奉呈同知錢相公

散花仙侶下瑤天
華燭光開錦繡筵
聞說公家生貴女
月彌要覓洗兒錢

試郡西江化日春
笑看滿歲即為真
奎文早晚來天上
五品官階雨露新

題山水圖

白雲飛過萬山重
滄海蓬萊有路通
秋水如天天似水
輕舟撐入翠林中

題張天師畫

飛流千尺瀉銀河松屋深深碧澗阿雨霽長橋泥尚滑
攜琴歸去意如何

題方壺山水圖

花草重重澗壑春卜居祇欲謝囂塵道逢谷口耕雲客
莫是當年鄭子真

題方壺枯木圖

石林蒼竹藹雲烟古木蕭蕭雨露邊莫道散材無用處
藤蘿何事苦相纏

十二月初四日夜三更夢睡覺蛀齒脫落口占一
絕今年五十七歲數其齒蛀時則二十有八年矣
當年兩齒蛀成空嗜齧翻嫌饌席豐談笑尚憐唇舌在
可應開口不關風

讀東方朔傳

幸應待詔上金門寵賜煌煌奉至尊諧謔隨時成諷諫
不知曲學有公孫

射覆懸知與易通可應神妙在著筒天家亦有防閑術

不認龍蛇認守宮

寔數分明是寄生
狝叫空復口相爭
奇言怪語何須數
千戶猶能詫俗盲

主家誰敢侍私娛
董偃區區一賤夫
有罪已聞三可斬
霸陵會葬復何如

不儒不老雜逢迎
殿上時時被寵榮
可是茂陵新好尚
燕齊怪誕盡公卿

玉山李道會顏則求著福慶觀記以黃谷二十六

詠見示用韻以寄

萬山深處錦雲堆
版築新成玉帝臺
絳闕諸真同宴喜
霓旌雙引鳳車來

山勢飛來似玉龍
瞳矐海上孤峯不須萬丈雲梯接
闔闔天門近九重

路轉溪灣山更幽
也知天意協人謀
仙家賸有滄洲趣
畫屏須煩顧虎頭

世界流年一擲梭
月涼踏踏聽空歌
濠梁往日曾相見

認得藍仙喚采和

玄谷長城別有基
要知清淨妙無為
玉房坐守金丹熟
記取人間子午時

寶篆絲絲一炷煙
早朝曾近御牀前
憑君試問黃庭訣
願得長生不記年

夜涼風月愛雙清
巖谷虛傳玉佩聲
上帝尊居深虎豹
青雲高擁九重城

灑灑香花供石泉
青藜吹出杖頭煙
上壇傳令雷司聽

星落銀河劍倚天

春雨林深笋蕨肥多情把筆詠芳菲
生來要使三尸伏老去休論萬事非

坐閱文成却老方石牀陰覆紫雲涼
山甲子須臾事不管人間白晝長

挿漢松杉鶴鶴巢琳宮行轉碧山坳
寄言萬里蓬萊客關鑰雙開不用敲

丹雘煌煌殿閣開畫欄高倚碧崔嵬
瑤池阿母蟠桃會

青鳥銜書海上來

江國歸來雪滿蓑
玉虹橋下水生波
空階夜半天如洗
聽唱陽春第一歌

彪列星光盼斗南
正須問道結雲庵
燒符叱咤風霆合
百尺蜿蜒奮碧潭

六合為家樂宴寧
山中猿鶴也忘情
雙成吹徹參差玉
滄海東頭看月生

面面晴巒錦繡重
太虛元氣浥空濛
高旂下來神鷄吉

錫福從教海宇同

陣陣寒香挂殿秋散花天女玉搔頭月中欲乞嫦娥藥
笑倚西風百尺樓

雪水新烹陸羽茶還看太歲長黃芽扶疎兩翼能飛去
西海同乘貫月槎

甲煎香殘玉宇開步虛詞罷舞三台山空水靜秋如海
報道緱仙跨鶴來

交梨火棗大還丹白日飛昇也不難紫府真君同接引

罡風浩炁莫愁寒

隔斷青巒一片雲
仙鏃法鼓半空聞
有時釀得松花酒
甕裏濃香幸見分

清水生肥薦玉池
獨將玄液飲玻璃
雲爐蘭麝香飄轉
坐對風簾窳地垂

煙霞鎖却洞門深
點過丹砂便是金
解榻倘蒙青眼顧
枕中鴻寶定傳心

物外逍遙靜處看
扶搖誰似大鵬搏
同盟幸有雙鷗鷺

相與忘機耐歲寒

凌空直上翠微顛
巾烏飄飄謝俗緣
想見靈臺光一點
皎如明鏡在中天

玄門闡教付機緣
况有詩如孟浩然
矯首佺期如不到
祇崇香火祝堯年

題碧桃花畫

春風滿院碧桃開
不見瑤池阿母來
一曲吹殘雙鳳管
共誰歌笑倚樓臺

題松柏圖

山中長笑錦紅開
風雪寧甘萬壑哀
老我勿堪為柱石
般師斤斧不須來

題釣魚圖

釣絲裊裊趣魚腥
坐向滄江白石層
一點客星天外遠
毋煩使者問嚴陵

題老柏圖

風霜摧折鳳凰枝
巖壑猶存鐵石姿
老朽何堪為世用

丹心祇許老天知

題方壺青山白石圖

方壺跨鶴上青天供奉先生亦已仙
想像風流何處覓
雲山雲水故依然

臬比坐擁畫堂春日日青山看白雲
海嶽天高歸未得
鷓鴣聲斷思續紛

上清何伯度為兒子畫林塘讀書處

林塘浮動水雲虛
芸草春香滿架書
願汝休為原伯魯

祇將力學大先廬

題馬太守文壁畫

蹇驢同過碧雲重不是關中是洛中
杖履如逢巖穴士好令咫尺上虛空

憶曾跨蹇渡臨濠萬木雲山舞翠濤
千古莊周勞夢寐畫圖時復倚秋高

題傅濟民畫

千巖萬壑翠重重海島蓬萊有路通
古樹林深人不見

烟波曳網載孤蓬

題方壺溪山勝處

萬疊溪山萬丈溪
兩舟相逐過林西
幽棲不作金鑿夢
莫遣哀猿夜半啼

題方壺溪山秋興

文筆峰頭晚翠濃
風流墨客笑臨邛
林泉拌得千鍾醉
揮寫平生錦繡胸

題沈先生林塘讀書圖

古來經訓擬菑畲誰似昌黎訓阿符笑我林塘風月夜
西窓夢裏聽啣唔

題方壺閒雲潭影

點點遙山落影邊水光雲影兩悠然俗塵不到林深處
一片靈臺萬古天

老柏圖

山中冰雪慣曾經百歲長存鐵石心江海蕭蕭風雨夜
倚窓祇聽老龍吟

蘭

湘山湘水思冥冥欲訪三閭問獨醒巖谷春芳風日透
翩翩雜佩散餘馨

題祝洞天雲山圖

客邸遙聞祝洞天蓬萊島上友羣仙試求鸞鶴飛昇處
雲在青山月滿川

題枯木圖

千章喬木挺蒼蒼都入天家作棟梁惟有老身無用處

歲寒巖壑飽冰霜

用韻王理問琵琶亭夜宿

水流嗚咽夜傳更
夢裏如聞絃上聲
却笑當年白司馬
青衫淚溼也多情

用前人韻過鄱陽

入雲渺渺碧山重
流水茫茫萬折東
白月倒懸星斗溼
此身如在廣寒中

用前人韻道出鄱陽感興

鮫門島外近仙家
夜月林深喚煮茶
千里宦游江海濶
晚香頻憶滿籬花

榮陽外史集卷九十